

يملكنا ترجع

منتصر الجبالي



اسم الكتاب : يمكن ترجع
اسم الكاتب منتصر الجبالي
رقم الإيداع : ٢٠١٧/٢٧٠٥٣
الترقيم الدولي ٩٧٨٩٧٧٨٣٥٠٢٦٥
الطبعة الأولى : ٢٠١٧
مراجعة لغوية ، إخراج داخلي : زحمة كتاب
صادر عن : مؤسسة زحمة كتاب للثقافة والنشر
١٥ ش السباق - مول الميرلانند - مصر الجديدة



www.za7ma-kotab.com



دار زحمة كتاب للنشر



za7ma-kotab@hotmail.com



٠١٢٠٥١٠٠٥٩٦

© جميع حقوق الطبع والنشر محفوظة

لمؤسسة زحمة كتاب

المشهرة قانوناً بسجل تجاري رقم / ٨٤٤٨٦

عضوية اتحاد ناشرين رقم ٨٢٢



مؤسسة زحمة كتاب للثقافة والنشر



إهداء

للوحد والليل والهدوء
للون البنفسجي وأفلام زمان
للشاي الثقيل واوضي اللي شهبي جداً

للبنات اللي حبيتها محبتنيش
للبنات اللي حبتني محبتناش
للبنات اللي حبتني وحبتها
و القدر فرقنا مجمعنناش
للي بيسانده وقت وجعهم
للي الوجع غير ملامحهم
للي ظلمهم الحب كثير
لكن لسه حاسين بالخير
إهداء للي لسه بيدوروا
وللي كبرو وبطلوا يفكروا

فلاش باك

أسوأ ما فالموضوع
إنك غاوي الرجوع
رغم اللي شافه قلبك
لساك بتحاول يمكن
تثبت نفسك فيها
تزرع نبتة فأراضيه
وبتفشل كل تجاربك
كان حبك ليها تعاطي
فوصلت حد الادمان
أسوأ ما في التعود
صعوبة النسيان
ولذلك هتفضل غاوي
تكون ليها الغناوي
وتكون ليك الوجع

كشكولي القديم

اسمك فكل صفحة
جوه كشكولي القديم
تحت منه سطرين لغنوه
لعبد الحليم
يامعيشني فأحلى عذاب
ببعثك بعنيا جواب
مش لوم ياحبيبي ولا عتاب
مش أكثر من كلمة اه
كان قلبي ارضك
وكنتي قمره وسماه
معرفتش وقتها ان الجرح
بيموت ألف حاجه معاه
أنا ياما ضحكت علي ناس بتعيط
مكنتش فاهم يعني إيه فراق
واشتياق
وقلب سليم أصبح متخيط
جوه كشكولي القديم



حلم قديم

ورسمه لقلب كان سليم

ودمعه لسه معلمه لما فارقتي

ونكته قولتها لك وضحكتي

ودعوه بعتهالك لما تعبتي

حتى وصفات الرجيم

كله مكتوب

حتى فراقنا كان مكتوب

وراضي بالقدر ومسلم

فات كتير علي فراقنا

ولسه برضه بتألم



نفس الكافيه

علي نفس الكافيه قعد
وطلب قهوته كالعادة
محدث جنبه يحس وجعه
غير قلب فاقد الإرادة
ولع سيجارته وفكر
ف حبيبه قلبه فأيديها
وفلوسه اللي عشانها
عاش بيجمعهم ليها
ابتسم ابتسامه وعيونه
فالحظة دي حبت تخونه
فظهر الدمع فيها
بص ع الكرسي اللي قدامه
ملقاش أمنيته وأحلامه
كان بيان أوي ف كلامه
حينه لحضنها وعنيها
بين صحابه يضحك ويهزر
بيمثل إنه مكنش مكشر



يغني ويرقص علي مهرجانات

مكنش اصلاً بيحبها

يرن تليفونه ساعات

يبص ميطلعش اسمها

القهوة قربت تبرد

ولسه ماشربش كالعادة

شرب محسش طعمها

مع إنها سكر زياده !!



بثرة هفوق

بكرة هفوق وهبقي كويس

محتاج بس أكون مع نفسي

شكراً للي قال معلش

شكراً للي زود يآسي

أنا اصلاً مش عارف مالي

ولا عارف مخنوق من إيه

كتير بكون عايز أعيط

والسبب مش بوصل ليه

بحاول اكتب فأوجاعي

تيجي عند القلم وتقف

كل أفراحي كات صدف

اللي اتخلي واللي اتسلى

واللي بكلامه ماخلي

كلمة جارحه إلا ماقالها

شاف كتير قلبي من ناس

ياما داوا وريح بالها .

لحظة خوف

لما إيدك بتحضن ايديا
بخاف عليكي وعليا
من جرح مستنينا بكرة
أصل الدنيا معروف طبعها
تفريق القلوب عن بعضها
وشايل منها ميت ذكرى
علي ميت وجع وميت جرح
بقيت بخاف من لحظة فرح
لتعيدلي العذاب من أوله
عمرك شففتي اتنين حبو وكملوا
ديماً اللي يحب الدنيا بتبدلوا
بواحد جاهز بشقه ومهر
فرحتنا بحبنا دلوقت
هنتعذب بيها مليون شهر
أنا مش يانس ولا حياتي معقدة
أنا أكثر حد عنه أمل
بس البعاد بقى حقيقة مشبته
ونادر اللي حبه اكتمل



اخدتى قلبى

اخدتى قلبى متكسر
وبقدرت قادر رجع سليم
كإنك حلم واتفسر
حلم ينسى أي قديم
كإنك هوا وصل فمعاده
لواحد علي نفسه مكتوم
كإنك غيمه جات ع الشمس
فمنعت عنى حر اليوم
كإنك روح

طرف واحد

بيحبها من بعيد لبعيد
لا يقرب ولا يبسلم
ولا يبشاور ولا بيحاور
بس بيتألم " وألمه شديد

فخياله راسم لها
دنيا أكبر من حقيقه
بيحب فيها بطريقته
مره ماسك إيديها
مره يتأمل عنيها
مره يقولها احلمي
ويحقق الحلم ليها
وبعد سرحانة دا كله
يفوق فيقول ف سره
اسكت يابني بطل هبل
دا أنت رملاية في جبل



لا عارفاه ولا حساه
لكن فأحلامه معاه
إن شافها يلعن ايامه
يلعن عيشته وزمانه
نصيبة يحب واحدة
عُشاقها كُنار فمش شيفاه

ديماً مش عاجبه حاله
ويحاول يكون أجمل
يكون أحسن و مختلف
كل ماتيجي فباله
يحس بخنقه و كأن
هم الدنيا عليه حلف
ويعمل إيه
ف قلبه اللي مش محسوس
ولنفسه يقول "كل ده
بسبب الفلوس
فيقعد مع نفسه كتيب
لا عارف يوودي ولا يجيب



إن حد هزر معاه
يهزر بس من جواه
مدينه علي هيئه كرايب
وتستمر مشاهد حياته
ف نفس السيناريو والحوار
وكأنه مسلسل مفاده
البطلة للبطل وينزل الستار



محدث يقول

محدث يقول ليها
إن يوماتي بفكر فيها
وإني برتب في ذكرياتنا
فدولاب خاص بحياتنا
وإن مج الشاي والساعة
وازارة الريحة والولاعة
لسه معايا ف نفس الدولاب
ومعايا صورتها مع كل جواب
كل اللي اتغير ف بعادها
كلمة سعادة لكلمة عذاب

جوه مني

جوه مني ليكي صورة
وشوارع وحواري وبيوت
جوه مني فيه صوت
ديماً بيردد اسمك
جوه مني فيه قلب
مش بيعرف لحظة يخاصمك
عايز يقاسمك
كل ثانية بتعيشيها
كل حاجة بتعملها
عايز يضمك فكل ثانية يحس فيها
إنه خايف
اصله شايف
إن دقائقه
سببها وجودك فحياته
حبيتي
اللي جوايا ليكي



أقوى من كلمة حبيبي
أقوى من إنه يترجم لكلام
أقوى من خوفي وسؤالي
والاهتمام

قلبي رافض

قلبي مش مصدق فكرة بعادك
ورافض يشيلك من افكاره
كنتي امله وفرحته وليله ونهاره
كنتي البسما والدوا ليلة اهات
كنتي وردة خلتي مشفش بنات
أنا بعد منك كسرت كل المرايات
وبرضه بشوفك ع الحيطان
وفكل مكان
مرسومالي صورتك
اه ع الوجع لو مرة زورتك
وفتشيت فذكريات قديمة
قسوة الفراق مسابتش فيا
حتة سليمة

أنا فاكِر

من سعادتِي بصوتك
كنت بخبط ع الارض



كان حبك بالنسبالي فرض
البعاد عنه هيزود ذنوب
قربي منك كان فرصه إني أتوب
بس مش مكتوبلي أتوب

أنا لسه للنهارة
بجيب سيرتك لأشعاري
بجيب سيرتك للأيام وللأحلام
ولدولابي ولسريري ولكتابي
وللصورة اللي مرسومة ورا بابي
مش بأيدي ولا باختياري
أعدك عن قلبي وأنتي
ف وحدتي أهلي وداري

هفضل شايلك جوايا
وايين نسيانك
ومش هسمح يوم لحد
ياخد من قلبي مكانك

حروف اللجرية

كل حروف الأبجدية
جات فوصفها هيه
وعجزت عن التعبير
كلهم وقفوا انتباه
وتلات حروف قالوا الله
والباقي فحالت تفكير
دا غير إن باقي الحروف
غيرانه من أربع حروف
همًا حروف اسمك
الكل عايز فيها يقاسمك
ده ولانك حنة من الجنة
الكل بيحلم ويتمنى
يعيش العمر ليكي
محظوظ قلبي أنا
إنك مديتي له أيديكي



هبعر عن الكل

أنا هبعر عن الكل يمكن
الاقى راحتي ف الوحدة
هسيب ليكم كل حاجة
وهكتفي بحاجة واحدة
هيه قلبي ..هحكيله واخيبي

هسييلكم الحب والصحوية
والقسوة والهزار والحنية
هريحكم وأربح بالي
مش هيفرق معاكم سؤالي
ومهما خدتني الليالي
مش هتوحشكم حاجة فيا

أنا هبعر عن الكل واكبر
واسيب الحب اللي اتعكر
اضحكوا وداروا الضحكة

شاطرين ف الكذب الله أكبر

ديماً بداري الوجع ورا ابتسامة
مش كل الجراح بداويها برشامة
ساعات الدوا بيكون طبطة
علي قلب فيه ألف علامة

العيشة مع اللي مش حاسس بيك
زي قميص مش لايق عليك
ديماً كاره تلبسه .. ديمماً عايز تحبسه
جوه دولاب ماضيك

حاله استثنائية

شفتيني حد تافه
وديماً واقف مكاني
مش عارف أسبق زماني
اختلافنا كان لكل ظاهر
إنك بتحيي المظاهر
وإن مستقبلي متسود
وإني ع الفشل متعود
وبضيع وقتي ف تفاهات
خلي الشعر ينفعك
قولي مين هيسمعك
موهوب مقولتش حاجة
بس فيه أولويات.
كان كل كلامك معايا
بيشتر بقرب النهاية
بتهدي ف حلمي وطريقي
وكأني مش حب حقيقي



روحي للي مفهوش صفاتي
هكون مبسوط أنا ف حياتي
أغنية فرحك وعد مني
هتكون من كلماتي



حالات استثنائية

١

هتفضل مفهماك

إنها حباك

وهتسهرك قبالها ليالي

ومع الوقت .. هيبجي وقت

تقولها فإكراني ؟

ترد مش واخدة بالي !!

٢

قدرت وسابت بعد ما قالت

البعاد شيء مستحيل

بعد دموعها الكدابة ما سالت

نسيته مع أول بديل

٣

هتحنفلك بكل آيات الله



إنها بتحبك إنها عشقك
وبعد فترة هتسيبك وهتنسك
فيه بنات بملامح ملايكة
ف دور الحب بتكون لايقة
تعيش لغيرك وهيه معاك

حزفتك

حذفتك من تاريخ حياتي
وغيرت عنوان الكتاب
ولو سألوني .. عنك عيوني
هأمر قلبي ياخذك غياب
هنضف الماضي منك
وهنضف القلب اللي اتساب
هعيش لبكره وأنا مرتاح
وعلي أمثالك قافل ميت باب
الدنيا مليانة حاجات
بتموت من غير أنياب
وحاجات ظاهرها بريئة
وجواها هلاك وعذاب
حكاييتي معاكي علمتني
إن فيه فراق ملوش أسباب

لما أموت

لو سألتني عني وعرفتني إني فارقت الحياة
ابقي قولي للناس جرحته واتحمل وكمل
وكان حلمه إني أفضل معاه
كان بيفتكرني وأنا ديمماً كنت نسياه
لما أموت شيلي منك القسوة
وافتكريني ف كل هدية هتجيلك
افتكريني لو شفتي حد بيدعيلك
افتكريني ف عصيتك اللي اتحملتها
وف سكة ضلمه عشانك كملتها
ولو زورتي قبري
افتكرني صبري عليك
بس أمانة اوعي تبكي عنيني
وأدعيلي لو مریت ف ذكری
وأن لهتك الأيام خليك فاكرة
إني حبيتك أوي
متخافيش أنا تحت التراب
من وهم حبك هرتوي
لما أموت

عامل إيه

عامل إيه النهاردة؟

بخير الحمد لله

حاسك زعلان؟

لا أبداً جميلة ف عنيا الحياة

لسه مخنوق بسببها؟

مش مخنوق واللي بينا

عنيا مش فاكراه

إيه اللي حصل عشان تسيبك؟

مفيش حبيتها زيادة ووفيت

بس دي قالت مش هتسيبك؟

كذبة عليا وخلص اتنسيت

هيه وحشه للدرجادي؟

لا أنا اللي طيب زيادة

ناوي تعمل إيه ف الآتي؟

هعيش لوحدي كالعادة .

فيثي حاجه

فيكي حاجه بترجعني ليكي
ف كل مره بقرر بعادي
حاجه تفسيرها صعب عليا
بتقدر ف ثانية تكسر عنادي

فاشل جداً ف الرحيل
مش لا قبلك اي بديل
بلف قلوب كثير وبرضه
مش بلاقي غيرك دليل
ف الدنيا أنتي حكايتي
وطريقي و بدايتي
معاكي راحتي ؛
ف لو سمحتي
انسي انك مني اتوجعتي
الخلاف وارد بين أي اتنين ف أنسي
فكرت بعادي عقاب ليكي
أتاريني بعاقب نفسي



هفضل مخبي

هفضل مخبي جوة قلبي كل المشاعر
مش هقولك أي حاجه هفضل بعيد
هاخذ ركن وكالعادة هعيش وحيد
وف السر ديماً اراقب
وكأني بيكي بعاقب
قلب ملوش ذنب
غير إنه فشخص عنيد

بهواكي

عايز أكون نجم ف سماكي
عايز اطيير بيكي للعالي
لدنيا ابعده من خيالي
احلام يقظتي عبيطة جداً
فلم رومانسي ليلة عيد

مش همشي ورا قلبي تاني
جربت زمان ولسه بعاني

كل ما أحس اني هوصلك
هفوق قلبي عشان ما يقولك
أنك بتجري فكل وريد

حلمت بيكي كاحبيه
تكون لجرحي طبيه
أنا أكثر حد
مشي ف شوارع سد
وأكثر طيب بيكره ف نفسو الطيه
واضعف ضعيف بيتظاهر بانه شديد

حبست المشاعر مرة
لكن اهون من كونها حرمة
يعرف بقيمة السكوت
اللي جرب الجرح مرة
اللي لما غرق
محدث مدلو ايد



قبل ماتمشي

قبل ماتمشي

شيلي مني كل الأماكن

شيلي مني الحب اللي ساكن

موتي الذكريات و بدليها

رجعيني لحياتي قبل ماتدخلها

رجعي الحنھا والوانھا

وخدي لونك الداكن

قبل ماتمشي.

اخذتي قلبي سليم

مفهوش أي جرح

كان مريان أمل وفرح

سبتھولي ليه كده

مكنتش بيسكت بالشكل ده

مكنتش بيكره الحياة

ولا عمره اتخيل يحزن كده

مفيش علاج للتفكير
غير النوم ونمت كثير
وبصحي الاقي
اللي باقي
من قلبي
ركن كنتي فيه بتحاربي
أي فرحه هتسبب تغيير

ساعات الفراق بيكينا .. لكن ألم ووجع عنينا
مش حاجة ف وجع إنسان " كان حر وأصبح أسير

أسير للتفكير



عايز احكيلك عنى ؟

عايز احكيلك عنى ؟

عايز تعرف ايه ؟

مين فرحني ومين ألمني

ومين شاف جرحي وداس عليه

بص ياسيدي ..

انا من صغري عايش ف وحده

رغم اللمه والعيلة

بسعى لحلمي وسط ناس

حبال احباطهم طويله

حببت للحظه الايام

حببت برضه الكلام

لكن دلوقت بموت

وكلامي اتحول سكوت

ياختصار

انا حد اتوهم بالجنه

واتصدم بالنار



كل اللي حسيته هيسانده
اول واحد اتخلي وعانده
كل اللي وقفت معاهم
اول ناس فاتوني وراهم
وكملو مع غيري
اه صحيح نسيت اقولك
انا عشت اسقي فورده
ريحتها كانت لغيري
محدث شاف أوجاعي
وأنا بصرخ من الحنين
علي حبي اللي راح
لواحد معاه قرشين
ديماً بظهر عكس اللي فيا
انا أشطر حد كذب عليا
عمري إتسرب ولسه
ملقتش لاهدافي فرصة
زهقت أكيد من كتر الكلام؟
سمعني معلش عشان هنام!! .



هو فيه زيك كده

هو فيه زيك كده.. في الدنيا ؟

اكيد لا

انتي معجزه من الإله

الحياه ف عنيا لوحه

انتي ألوانها وتفاصيلها

بقى عندي إرادته معاكي

احب احلامي واكملها

والاقي معنى للحياة

حببت قبلك منكرش ده

بس ماشفتش فاللي فات

غير اهات

خليكي حبيبي متأكده

ان حبك خلى كل الماضي

مات



قلبك خدني لدنيا..

كل ثانيه

فيها عمر

فِ غيابك يطول الوقت

بصرخ و بقول اشتقت

لحضن عيونك السمر



بطلب العتاب

بطلب العتاب لأن .. مفيش احن

منك عليا

من حقت تعاندي

مانتي كثير بتساندي

حبة الصبر اللي فيا

كان لازم اضم حنانك

اخذ الكلمه من لسانك

واسيق بكلمة بحبك

كان لازم اهتم اكثر

وف زهرة حينا اكبر

ومديش فرصه لقلبك..

يحس بلحظة حرمان

ماتزعلش انا بتعاقب

وحياتي اتملت احزان

سامحي

مانتي ديماً بتسامحي



ديماً بتنجي تشوفي

ضحكة ملامحي

ايه جرى غيرك كده

فكري ولو متأكده

انك نسييني اتكلمي

فكري وقبل ماتكرري

عاتبيني وافهمي

انك الحلو اللي ف حياتي

ضحكتك

ضحكتك متكونه
من فصل الربيع ونسيمه
وجناينه المتلوننه
ضحكتك فالأصل حاله
فيها روح بتخلي القلب
تلقائي يتمنى الحب
يجمع قلوبنا سوا
ضحكتك تصنيفها لازم
تكون للعليل دوا
يا واخده القلب ومحبيه
ف طعم وشكل الحياه
لا بتعب بقيت بحس
بمجرد ما بشوفك بس
بالاقي صوت بيقول الله
وجودك ف الكون
مدي نبض ولون
لاي شيء بهتان



يا واخده من كل حاجه

أحلى وأجمل حاجه

يا حاضر مستمر

عمره ماهيقي كان



كانوا الوهم .. وكنتي الحقيقه
كانوا القسوة .. وكنتي البريئة
كانوا البعاد .. وكنتي الصديقه

خلي بالك منها

خلي بالك منها يا صاحب النصيب

شيلها ف عينك عليها حافظ

خليك ديماً منها قريب

طبطب عليها وقت زعلها

واوعى تفكر يوم تسيب

صعب تلاقي زيها

برينة عايشة بقلب طفلة

في دنيا غدارة بطبعها

إياك تزعلها ف يوم

دي فيها كثير هموم

ربنا كتبها لك

نصيب وادالك

واخذ مني احساس شبابي

العمر سرقني معاها

معملتش لبعادها حسابي.

عارف يا صديق



عيونها ف التوهه طريق
هتلاقي فحكمتها مرسى
لوحسيت انك غريق
هتחס معاها بدفا
في ليل البرد كلامها سلام
هتكون مطمئن بصوتها
ف حيرتك هتكون لك الهام
هتخسر زي ماخسرت انا
لو هتهمل وتسيب
دي يا صديق زي الضنا
متعرفش بغلاوتها غير لما تغيب
فخلي بالك منها يا صاحب النصيب

اخترتي البعاو

اخترتي البعاو..
فكان لازم اختار أنساكي
اختيارك قدرتي عليه
واختياري ضحكت بيه
علي قلب بيتمناكي
ملكيش ذنب ف اختيارك
كان لازم تبعدني
بقالي سنين واعدك بدبله
ووعود كثير عبيطه و هبله
وانتي برضه كنتي صابرة
علي مرار ايامي قادرة
لو زعلت كنتي بالصلح تبتدي
كان لازم ف يوم تملي وتعندي
حاسك حزينه ومن جواكي متغيره
بتضحكي روتين مات فيكي الحنين
شابة الطفله الصغيره
مقاش فيه اللي يفرق معاكي ..



حظك مبيجيش علي هواكي

طبيه ومن طيبة قلبك

ديماً ف مشاعرك متعوره

عاذرك اوي

سنين بحاول ف بلد

متوهاني جوه نفسي

سنين بعافر ... وياما سهرت مسافر

وبرضه منسي

من كتر لخبطة ايامنا ..

من كتر ضياع احلامنا

مبقتيش بالفرحه تحسي

عاذرك اوي

كل احلامنا عاشت متأجله

كنا خايفين من اتفه مشكله

يكفيكي شر الاحباط

اللي يبسبب عياط

اللي بيدمر مرحله

يا حنين

أبوس ايدك يا حنين
ابعد عني كفاية
بحلفلك ميت يمين
صورتها لسه جوايا
فيه بعاد بينسي
وبعاد بيولد بداية
وبعاد بيحيي وبعاد
بيكتب أصعب نهاية
أنا بيك من غيرك يا حنين
بموت وهيه مش معايا
ف كفايه

جريت اعيش

جريت اعيش بعدك
ومحستش بأى حياة
بحاول انسى وأنا عارف
ان جبك صعب انساه
وبرجع بالذكريات وازاي بعدنا
بعد سنين حب بعد لما القلب
شرب منك لحد ما ادمن وجودك
قدر النصيب بسهمه يصيب
الفرحة اللي فيا.. فبكاني
وساب الدمع علي خدودك
كنتي طيبة وطيبة
أم قبل ماتكوني حبيبه
فعز الهم قلبك يضم
قلبي وفيه يداوي
لما افترقنا الحنين دوقنا
مرارة ودموع الحكاوي



البرينة الحنونة
العاقلة المجنونة.
الصابرة علي عقلي الطائش
اللي استهتر وفضل عايش
يحبك ومعملش ليكره
الزمن ضاف لعمرنا سنين
ووداكي لناس تانيين
وقالي اتحمل عذاب الذكرى
محفظتي اللي جبتها لي
وجواباتك وباقي الهدايا
ف حياتي بقوا شعلة نار
لو شفتمهم بتقيد جوايا
ولا بقدر اظفيها
وع الحيط بتسند ومن وجعي
بحاول انام واعديها
واهي ايام بقضيها
يااجمل اسم كان بدايته حرف نون
فايدك دبله مش مني ف ازاي اكون
حد ليه نفس يعيش



أنا بعدك بموت وديماً بقول مفيش

يا عمر بعدها اتمرر

هتفضل هي وحدها بس

إنسانه صعب تتكرر

وسط الزحمة

وسط الوش والزحمة واللخبطة
والحاجات اللي مش متظبطه
هتلاقي قلب يرتبك كل ده
ويثبت لقلبك ولحياتك اعمدة
ويفرح مشاعر باتت معيطة
بعد التوهه بنوصل
وبعد المرض بنخف
وعشان ترتاح بكرة
لازم فصغرك تلف
وعشان تحس حلاوة الرجوع
لازم من الفراق تبكي
لحد ما دمك يجف
لازم تتعب اوي - عشان ترتوي
وتحب علي اقتناع
كثر التجارب بتعرفك
المخلص من البياع
كثر التجارب بتميزلك
الطيب من الخداع

اخترتك

من بين اللي شافتهم عنيا
اخترتك انتي تكوني ليا
تكوني حاجات بتكمل فيا
ألمي وحلمي وطموحي
اخترتك تكوني كوني
وناسي لو ناسي فاتوني
يا اول فرحة ترد روحي
عيونك دفا ، ملامحك سعادة
بظمن بيكي بظمن
فوحدي فغرتي
متأمن بيكي متأمن
بتمحي همومي بكلمه
بتنوري سكتي الضلمة
بستقوى بيكي ع الدنيا
وفكل البنات الثانية
مش هلاقي حنيتك
مفرحتش انا من قلبي
غير لما عشت دنيتك

هتحن لها

هتحنلها كل ماتكلمها
كل ما تلمح ليها صورة

مع ان الحب بقى سكوت
بس من جواك بتموت
لسه مشاعرك مكسوره
الحب ييموت بموتك
وجعه بيان علي صوتك
جرحه بينخلق سكوتك
ولا هتتعرف تداري
دا زي الدم ساري
بيلف كل حته فجسمك
بيلف ساعات بضحكه
بيلف ساعات ب هم
بيلف ساعات ب حيره
وساعات كثير ب غم

**



الحب الاول

من غيرهم مش هتموت
صحيح الالم بياخذ وقت
بس اهو وقت وهيفوت
ونحب تاني ونتساب تاني
ونلف ف دايره بتدوخ
كثر العلاقات بتبوخ
طعم الحب والغيره
ولذلك الحب الاول
بيسيب جوانا تفاصيل كثيرة

اتعدونا

١

اتعدونا علي الاوجاع
ومن كثر ما القلب اتباع
بقينا نخاف لنقرب
ثقتنا ف القلوب خفت
بحور مشاعرنا جفت
من كثر ما قلوبنا لفت
جواها بقي مترب

٢

كل تجاربك نهايتها نار
اصل الواقع ان المرار
ماضي معاك عقد احتقار
القلب مات وادفن
كان الوجد هو الكفن
واخر صبره .. صبارة علي قبره
وياريت قبره .. مرة اتزار



مفيش اختيار...

مفيش اختيار كان صح فحياتك

دايماً مصدوم فكل اختياراتك

اللي حلف لك واللي ضعف لك

واللي وصف لك طريق الجنه

كله فاتك

فاتك للذكري تاكل بواقي الامل

بقي كل شيء عندك محتمل

يااااااااااا الملل

اللي بييجبرك تحب عشان

واجعك احساس الحرمان

الشهير

١

مش مهم اني ارجع اعيش
انا مبسوط بحياتي كده
كل اللي معايا ناس طيبه
كل اللي معايا يشبهوني
وبحبهم ويحبوني
يا امي متعيطيش بقى
مسير يكون بينا لقي
الشهاده مكتوبه لي
لانك بالخير داعية لي
مكنتش احلم بنص ده
كل اللي معايا ناس طيبه

مرتاح جداً والله ...

شيلي منك اي وجع

انا هقول للي معايا

امي

ست بألف جدع



مع اني عارف يا امي
انك بتموتي علي موتي
من اول يوم فراق
ونفسك تسمعي صوتي

فداء بلدي الف صوت واسم
فاكره علمها فكراسة الرسم
النسر مكنتش بعرف ارسمه
كنتي دايماً ترسمهولي
كنتي شيفاني هو
ملتيني يا أمي قوة
بنصر اكتوبر اللي حكيتيهولي

٢

مرجعتش خطوه لورا
ووقفت ليهم مش خايف
كنت وقتها شايف
لعب اخواتي ف الحاره
كنت وقتها شايف
موتي فداهم مش خساره



قابلت الموت بابتسامه
لجل تعيشوا ف امان
دافعت عن ارضي وعرضي
وجربوا زي الخرفان
رصاصه خدتني لكن
فيه زي كثير مكمل
ارضنا غالية ياغالية
عشانها نصبر ونتحمل
متزعلش
كان نفسك تشوفيني عريس
وتفرحي بيا
انا ف الجنه يامًا عريس
والملايكة حواليا

الكتوير ٧٣

حكينا لكل العالم حكاية
جيش وشعب رفض الالهانه
كتبنا ف سطور تاريخنا
ان جيشنا رد الامانه
عرفناهم احنا مين وهمّا مين
ويعني ايه قائد يكون قد اليمين
ويعني ايه حرب وادارة ازمه
وان عشان ارضها وترابها
كل اسلحتكم ملهاش لازمه

احنا شعب وقت الشدة والديقة
بيلاقي لمشاكله ألف حل وطريقة
احتاج الوقت ٣٦٠ دقيقة
وكان العبور
احنا شعب بيعرف امتى
يكون حمال وصبور



يا كل شهيد دمه سال علي ارضها

وصلت لينا رساله بانك بتحبها

ضحيت لجل تظمن الغلبانين

ضحيت لجل تشوف الامل

فعيون الشقيانين

رساله منا ياللي بيتا

احنا بعدك مكملين



مين اللي قالك

مين اللي قالك نسيت
ضحكتي ماتصدقهاش
دي وراها مليون حبيت
بضحكك علشان الناس
تقول عليا قويت
فتشي القلب اللي حبك
فتشيه وشوفي حبك

جوه منوا ازاي محفور
اه لو تاني تعودني
بعادك مرر وجودي
شال من بكرة ضي النور
يمكن بمثل وده كبرياء
صعب ابين أي اشتياق
مش عايز ابان مهجور
وحشتني ايامنا وسهرنا
كلمه قولناها لقمنا



رساله كتبناها فزعلنا
وحشتيني ويعلم الله
انك حب مش هنساه



نظراً لظروف بلادي

هاجل كلمة بحبك
نظراً لظروف البلد
والوضع الاقتصادي
هحرم قلبي من وجودك
من صوتك وضحكة حدودك
علي ايه اقرب من حدودك
وفلوسي رايحه لحدود بلادي
لكبار بلادي
لمدن بينوها ف بلادي

هاجل كلمة بحبك
نظراً للوضع الحالي
نظراً لتضخم الاسعار
والمتر اللي اصبح غالي
والعفش اللي اصبح غالي
والمهر اللي اصبح غالي
ام عن حالي



فأنا رخيص جداً ف بلادي

لكن عادي

فالوطن محكوم عليا

لكني حر

فحدود الممر

المحدد

غيري حب يعبر

علّي صوته وكبّر

اتاخذ مؤبد

نظراً لظروف بلادي

لكن عادي

وصلت سن الجواز

وعايزين يفرحو بيا

وانا عايز

عمري بيضيع لكن جايز

وضع بلادي يكون افضل

بس خايف يمر العمر ولا يفضل

الافضل " امشي علي خطى اجدادي



لم نفسك يابني ف اي اوضه والسلام
مش لازم تحب وتتحب وتختار
شوف أي بنت علي قدك وقضوها خضار
اول مره اسمع عن الرخام
والبنيو اللي فالحمام
لم نفسك يابني لم
عايز اشوف باقي اولادي
نظراً لظروف بلادي

٢

معايا بقالك اربع سنين
ايدي رافضه تلمس ايد
قلبي رافض يحس عيد
رسمت دنيتي علي كفك
ف ازاي اخرج عن صفك
وحضني يترمي ف غيرك
ضحكتي باخذها منك
ومني بتاخدي ضحكك
بتتغذي من بعض ف بنرد

وان بعدنا .. تخس صحتنا

ف بنرد ..

ع الوجع بدموع

اربع سنين بينيلك بيت فخيالي

هنا نومتنا

هنا ضحكنا - هنا اكلنا

هنا المطبخ جنبه الحمام

هنا السرير هنا دولابنا

وجواه هدايانا الساكته

المليانه كلام

هنا الأتريه هيكون

قدام منه التليفزيون

وانا وانتي ملفوفين بلحاف

بنتفرج علي حفله لايساف

رسمة احلامنا بالجاب

وخذك معايا ف وادي

صعب تحقيقه جداً

نظراً لظروف بلادي



امي من الناس العاديه
امي طيبه وع النيه
متعرفش غير جواز تقليدي
ازاي اقولها انك فدمي
وانا متخيطين يا امي
والغرز موصله بينا
ان حد حاول يفرقنا
تلقائي هتصرخ قلوبنا
تلقائي هتنزف عيوننا

اهلي بيتمنولي الفرحة
مع أي بنت يكروتوني
شايقين بده هيفرحوني
همّا شايقين ان عيشتي
بره بلدي شيء جنوني
همّا شايقين اني بكبر
فبيحاولوا ينصحوني
همّا مش ضد قربك



لأنهم حاسين اعتيادي

بس أنا هاأجل بحبك

نظراً لواقع حياتي

نظراً لظروف بلادي



كلم قلبك ا

يا قلبي

بتحاول تكون من نصيبك

وبيعدي العمر ويسيبك

عند نقطة البدايه

مش شايف ملامح بكره

عاجز عن تنفيذ فكره

اللي بينكم مش بس ذكرى

دا عيون بدمع لو حسست نهاية

اللي بينكم مش بس شات

دا حب متحكم ف حاجات

حاجات ميوصفهاش كلام

ولا بيعبر عنها سكات

حاجات لو انكسرت جوانا

هنعيش نشبه الاموات

يا قلبي

كلم قلبك ٢

متوقفش حياتك عليها

سيب اراضيها ...

زي ماهيه سايبه

وقول لمشاعرك الخاييه

كفايه بقى،

شايفاك غير ما انت شايفها

رافضه تحس انك حاسسها

راسمة حياتها وذكرياتها علي لوحه تانية

اكذب علي نفسك اعتبرها ياقلبي خاينة

الاهم انك تنساها

ربك كبير شايفلك الخير

مع حد تاني مش معاها



كلم قلبك ٣

مالك فيه ايه ؟
طمني عليك متخوفنيش
انت اللي باقيلي وبسببك
دمي ساري وبعيش
زعلان من مين وليه كئيب
عشمك فالناس كان اكبر عيب
صدقت قلوب عاشت خدعاك
وباسلوبهم قالولك سيب
اتمسكت فكل مره
وكنت بره حسابتهم
ضعفت ف عليك قويتهم
جاي دلوقت تلوم نفسك
وقافل علي روحك باب
لانك راغب وجودهم
طبيعي كان لازم تتساب

اوضه ضلمه

اوضه ضلمه وهاند فري

واغنيه ووجع وعياط

المشاعر المتعبه متجمعه

واحساس عام بالاحباط

شايف نفسك اقل

قلبك تعب ومل

جريت الف حل

ومشيت ف ألف طريق

كل مره كنت تغرق

كنت بتتساب غريق

وتمر الأيام وترجع

لنفس المشهد القديم

كل واحد سلمته قلبك

ما ردوش ليك سليم

لانهم سابوك بقيت سايب



فكل تجاربك كنت خايب
كنت ناقص جرعة قوة
الكل يبسبب الضعيف
ويصقف اوي للفتوة

اوضه ضلمه وسكينة تلمة
فيك بتقطع
زاد عدد اللي باع
زاد عدد اللي ودع

مين سندرک ومد ايده
هاتلي حد دخل حياتك
وشافك امله وطريقه
هاتلي حد ضم كفك
وكمال ووقف ف صفك
الكل حلفلك ولفك
وبعدها من بقه تفك

يا موجهوع

يا موجهوع
صبر قلبك بكلمة نصيب
يا موجهوع
صدق بقى ان كله بيسيب
وان محسوش بهمك

ولا يهمك
ساعات ف الجرح بيحترار الطيب"
ف عيش من غير ماتسند علي حد
كل اللي هتفتكره حبييك

هيسيبك
لما تلبس ف طريق سد
محدث هيينيك ف متتعشمش زياده
كل اللي حواليك محتاجين للسعاده
ضحكتك وانت صغير للاسف



ملهاش اعاده

ف اضحك علي همك

دا اللي بيسمك

حد بنيته مش عنك غريب

فصبر قلبك بكلمة

بحبك بس مش قايل

بحبك بس مش قايل
بنخاف اتكلم اخسرك
بنخاف لكلامي يغيرك
انا عارف طبعك من زمان
مبتحبيش الحال المايل

قالولك عني كلام كتير
واكيد مش انا اللي ف التفكير
قالولك هايف مقضيها نوم وهنزار
قالولك ماشي ورا الشعر ويتاع نزار

كلموكي عني سلمي
زودوا اليأس فد قلبي
حطو بينا مليون حاجز
ف عز شبابي خلاوني عاجز
اني اقولك بحبك



اعرفك بنفسى

اعرفك بنفسى
انا حد شبع جراح وياما اتوجع
كل القلوب شافتني بالمقلوب
وياما نمت مغلوب
وياما قلبي اتخدع
اعرفك بنفسى
انا ضحكه طالعة من يآسى
انا قلب هيتخلى عنك
لو مرة هنتقسى
مش هنفعلك ف حاجه
وماتت كل حاجه
ممکن تسعدك
متستغريش لما اخاف اوعدك
اصل عمري ماهجك بقلبي
انا ياما اتعاقبت
علي ذنب مش ذنبي



نهايتنا الفراق مهما

ف الظروف تحاربي

انا كنت جد ودلوقت مبقتش جد

كنت بعاتب و بطلت اعاتب حد

كل القلوب اللي بنيتها

نزلت ف قلبي هد

انا حد مات من جوا مليون مره

متنخدعيش ف الضحكه اللي من بره

احسن ليكي تبعدي وتعيشي حره



سيناريو بيتشر

محدث هيكمل معاك للآخر
في نُص السكه لازم تتساب
كل ماتحط امل ف واحد
املك كالعاده هيطلع كداب
كل ماتغزل وتفصل حلم
هيقطع م الوجع ويدوب
كل متأمن وتحب قلب
هيطلع ف الخداع موهوب
وتصبر قلبك بأي كلام
وبأحساس الوحده ديمماً
تحمد ربنا وتنام

حاسس قلبي

حاسس بيكي بتتألمي ومداريه
و شايله هم خلى الدمع سال
حاسس المرادي انك شايله
وجع وحزن وكسرة يهدوا جبال
بتعاندي الايام وجواكي سكاكين بتفوت
ابتسامتك يفهموها فرحه وانا افهمها موت
قلبي عارفك عارف طبعك عارف صبرك
تتظاهري ديماً بالقوه ولو بيحفروا قبرك
قلبي بيحس تفاصيل حياتك
بيحس سكاتك
بيحسك من غير ولا صوت



قلبي محتاجك

قلبي محتاجك معاه
قلبي محتاجك حياة
قلبي محتاجك تضمي
وتشاركيني باقي حلمي
شفت فيكي صورة امي
شفت فعيونك نجاة
قلبي محتاجك تكوني
ابتسامه ساكنه عيوني
تسمعيني وقت همي
واسمعك لو سايل دمي
قلبي محتاجك لانك
فيكي مني وفيك منك
واخده ملامح طفولتي
تلخيص الحلو هو انتي
ولذلك قيمتك عندي
بكل الدنيا والحياة

لو افكرتني

لو افكرتني وجات تسأل
قولولها إستناكي ومجتيش
قولولها رحل وراجع
بس راجع ميعرفكيش
قولولها كان بيحبك
ويا ما عذبه اهمال قلبك
قولولها اخر ما زهق غادر
وهو حزين انك مقدرتيش
دا لو افكرتني وجات تسال
قولولها اتحمل وحب حاجات مبيحبهاش
قولولها خسر كله عشانك وانتي محساش
قولولها كان بيتمنى
يعيشك في جنه
قولولها محبش غيرك
ووقت احتياجه لحبك
مكنش ببيجي ف تفكيرك



قولولها دا داوا جروحك
وسبتيلوا جروح والآم متدواش
دا لو افتكرتني وجات تسال
قولولها كان بيسأل عليكي
قولولها كان بيحاول يشوفك
ومحلمش عمره غير بيكي
قولولها ياما اتحملك
وبرغم نقصك كملك
وبرغم عيوبك كان
ف عيونا بيجملك
قولولها لو حد غيري
كان من زمان نسيكي
دا لو افتكرتني وجات تسأل

فات الوقت

ولما حب يرجعها
قالته فات الوقت
انا قلبي مات دلوقت
اتخليت كثير عني
بايدك كنت بتقتلني
ونسيتك وما صدقت
واطمن بعدك مش هحب
البركه فيك مسبتليش قلب
انت سبت فيا
حاجات غريبه عليا
بدلت طبيتي بالقسيه
وكله اتحرق حتى انت
اتحرق



لحظة لنفسك

اقفي قدام مرايا
ضمي نفسك واحتويها
قربي منها وبوسيتها
حطي روح وامسحيه
انكشي شعرك وساويه
حطي توكه او فيونكة
طوليه او قصره
عيشي لحظه كل يوم
تكون خاصه بيكي وبس
قلبك دا لازم يفرح
لازم ب السعاده يحس
شغلي لحن لعمره
ارقصي ان لزم الامر
حبي نفسك زي ماهيه
وجودك ع الارض هدية
من ربنا للحياة
لو هتبكي علي حد ساب

اولى تبكي فالصلاة

مسئوله منه

مسئوله منه

ومين غيري انا يهمه

انا اميرته ..

وسبب غيرته

عشان يسعدني بينفذ

كلام قولته

ولا يعرف يستغنى عني

ولا بعرف استغنى عنه

مسئوله منه

مفيش غيره ينفع يتحب

حبيب بدرجة اخ و اب

وان حس الزعل فيا

قوام الاقي الحنيه

بيكون لي صاحبه وقت الهم

ووقت التعب بيكون لي ام

يسهر يدعي الإله ليا



خلاني استغرب سنّه
مسئوله منه
بحسه ابني
القلب اللي بطفولته
ضاعفني
الشخص اللي برجولته
مالكني
برائته ف المعامله
جنه لقلبي كامله
ربنا اهداها ليا
داللي بيخاف عليا
يألمني لو جيت اضمه
بيحسني بأهتمامه
وبأفعاله مش بكلامه
إني فعلاً مسئوله منه

واقع بيتكدر

ان جات سيرة الفراق
بشوف فعنيك صورتها
بتسرح مني وانا معاك
انا كشفاك

ويتحمل عشان حباك
وبعمل نفسي مصداك
ان قولتلي انك نسيته

لما انت فعلاً نسيته
ليه محتفظ بهداياها
ورقمها وعنوان البيت
لسه بتتوجع من غنوة
ومن منطقتها ان مريت
متخلنيش اقول ياريت
وسيبك من الماضي
لحد امتي هتعيش لها



فعالم افتراضي

انا الملموسه والمحسوسه

والواقع الي قدام عنيك

متندمنيش اني حبيت

واخذني لنفسك علاج

وياريت منها بتخف

انا بنت وليها احتياج

وارض ان أهملت بتجف

استمراك فنفس الشيء

هيولد بعاد ورحيل

محدث يرضي لنفسه

يعيش فدور البديل

استمراك بيقلل حبك

بيخوفني من دنيتك

استمراك هييجبرني اقولك

اتفضل خد دبلتك

شهر وراسي

مفیش أي کلام اتقال
بس عیونها لحظة فراقه
سالته میت سؤال
شاف فیهم میت عتاب
عایزه تقوله ان اللي ساب
حد موعدهاش بالعذاب
عایزة تقوله ازاى اعیش
بس ابتسمت وکان مفیش
أي الم ساکن فیها
اتظاهرت بعکس اللي جوة
ومن امتی بیحس هو
بکلام ساکن جوه عنیها



لو سمحتي

لو سمحتي
لو كنتي اتجرحتي
قبل مني ف ابعدني
اصل اللي بيتجرح مرة
بيقسى ف ثاني مرة
القلوب من بعض بتتعدي
وبجد انا مش حمل قسيه
اللي شفته مش شوييه
و ماصدقت قلبي هدي

#لو_سمحتي

بممكن ترجع

كلهم حوالبه مبسوطين
إلا هو قاعد حزين
اثر الفراق باين عليه
وعنيه مليانه بالحنين
ولو حد وجهله كلام
يرد بس بكلمتين
كل ما يبص ف مرايا
يشوف فعنيه الحكايه
وفملامحه الدبلانين
بيسأل نفسه ألف سؤال
بيحط ليكره ألف احتمال
يمكن تسأل
يمكن ترجع
وتحبنى بنفس الدرجه
وتشفي حالتي الحرجه
بيوديه ديماً خياله



لاجابات عكس الاسأله

رافض يصدق انه كان

فحياتها مجرد مرحله

مش محسوسه بالمرّة

طبعه مزاجي وغايور

حبها بقلبها المكسور

ف مشفش منها غير المُرّة

كان بيقولها بحبك

كانت ترد سكات

كان بيقولها قلبك

كانت ترد مات

كان بيقولها عيونك

ترد شبعتم دموع

كان بيقولها جنونك

ترد دا اصل الموضوع

وانها اتجننت فعلاً

يوم ما حبت جداً

انسان كسر فرحتها

فاصبحت فاقده طلته



واعتقدت ان اللي جاي بعده
يا شبهه يا هيخلف وعده
فمعرش يكسب قلبها
ولا طال بعادها ولا قربها
يفتكرها عيونه تلمع
وامله بسخافه يقوله
ما تياس يمكن ترجع



أيام زمان

وحشتني غطيان البيسي
وصور اللعيه واساميهم
وحشتني لمة اخواتي
وانا ع الاكل بناديهم
وحشتني احساس الامان
ولعبة السلم والتعبان
وبنك الحظ ولمتنا
مع الجيران

وحشتني القعهه قدام بابنا
واغاني مصطفى كامل
وفرحتنا لو ف البان كسينا
وهنيدي والسقا فامستردام
واعلان شوكولاته جيرسي
وعياطي ان اتلخلخ درسي
وخوفي من ضلمة الحمام

وحشني بيتنا القديم
اللي اتهد واتينا عمدان
وحشني ابويا وشيسته
وحبو لنشرة الاخبار
وامي اللي حبت عيسته
ودخوله علينا بالخضار
وعياطي عشان عايز اكل
فيجبولي فينو من الدكان
وقتها انا كنت بنص لسان

بتمنى يرجع الاحساس
مع اغاني هشام عباس
حبيبي وانا احبك
لا كان علي الخاطر
وحشني بروفر ابن عمي
الوحيد اللي كان شاطر.

اتمنيت اكبر واشوف الدنيا بعينهم



اتمنيت اخرج واعيش شكل لياليهم
ولما كبرت اتمنيت اصغر تاني
الم غطيان البيسي اللي وحشاني
واجمع صور اللعبة واساميهم



قصاقيص

بين الفراق واللقى

عيون شبعت بكا



اتعلمت منك السكوت
اتعلمت منك اكون هادي
لو من جوايا بموت
من دروسك اتظاهر عادي

اللي هتجيبها ماهتجبكش
وان حبتك هياخذها غيرك
مفيش حكاية بتكمل
فعيش وحيد اجمل
ومتديش فرصه لتفكيرك
يدمر جواك الاماني
كل حكايات الحب واحده
والدليل بنسمع نفس الاغاني

انا لما بسيب مش برجع
حتى لو ف البعاد موتي
السكوت ف العتاب بيوجع
وعقابي ليكي هو سكوتي



ياللي فعيونك انا شفت
الحزن بيمثل السعاده
والكسره بتعمل اعاده
لاي فرحه قديمه
متشعبطه ف ضحكك
وكأنك من جوه سليمه

محدث يقولي مالك
ف ردي هكون كداب
هبتسم كالعاده واقول
انا بزعل بدون اسباب

بيقولوا الحلو مايكملش
لكن معاك لقيت كل حاجه بتكمل

الفراق قاسي حبتين ... ممكن يبكي العين
لكن بيريح بعدين



عيونك اكبر دليل
ان مفيش مستحيل
وان الجمال ممكن يتكون
وسواد الحياه يتلون
بنظرة منك
عيونك اكبر دليل
ان فيه حاجات بتموت
منها البُعد عنك

واللي قال مش هعرف اسيبك سابك
واللي قال هموت بعدك بيضحك ف غيابك
فمتزعلش خلي اللي يسيب يسيب
فكر تسعد نفسك محدش هيشاركك عذابك

الحياه الوان كثير
بيتحوله للون الاسود.
لو مكنتيش بخير



سيب اللي بيحب اللمه للمته
وروح للي بيشفك اهله وناسه
الاول هيسيبك لو حاجه زعلته
والتاني هيكمل ولو مررت كاسه

مش هيتغير عشانك
غير اللي مكتفي بيك
مش هيقدر حنانك
غير اللي بجد شاريك
اللي بايعك مش هيصونك
مهما شلته جوه عيونك
هتعيش تثبتله ف حبك
وهيعيش يمثل الحب عليك

بيجي الليل ويحب معاه الالم
لكل قلب حب واتساب واتظلم
ويجيلي سيرتك
ابتسامتك ف صورتك



نبرة صوتك ف تكشيرتك

ويقولي عاني

اللي حبتها .. اختارت سكتها

ولسكتك مش راجعه تاني

غيرت قلبي من نحييتك

بعد ماغرق ف محبتك

ولا الف اعتذار .. يطفوا نار

مشاعر كرهتك .

غلطة هتندمك وهتزود عذابك

انك تضعف وترجع لحد سابك

مهما حصل قوي قلبك واياك

تفتح لحد مرتين بابك

الوحده ارحم ... من قلوب مش بترحم



كثير جداً وعدوني يبقوا ومابقوش
وكتير وعدوني يخلصوا وماخلصوش
وكتير باعوا وكتير ضاعوا وكتير لهتم الايام
سنين عمري شريط علمني ماصدقش أي كلام

عنيا شافت كتير
وكتير قلبي حس
ومن بين كل دول
حبيتك انت بس

متعودتش احلم وانا معاكي
كل احلامي إنتي

مجروح منك ومش ميبين
ومش هيبين غير ابتسامتي
مش هيجرحك بنص كلمه
وبطيه هرد لو اتكلمتي
مش حاسه باللي عملتية



وتحسي ليه !!

لا حبيتي ولا اتمنيتي ولا اتألمتي

اتغيرت كثير مش دا انا

شكراً للي كانوا موجودين هنا ♥

شكراً للي فهم غيرتي وكلامي شك

واللي وقفلي ع الوحده وف كلامه عك

واللي عيشني ف كدبه أكثر من سنه

شكراً

متكلمتيش ...

بس عيونك قالت كثير

قالت بحبك قالت بغير

قالت استنى لما جيت امشي

ساعة الوداع مبتحملشي

ثانيه واحد من التفكير

حذفتوا نهائي من حياتي

بطلت احكيلوا خصوصياتي
مع الوقت عرفت انساها
وضحكى وهزارى معاه
اخوه وتسليه لأوقاتى
مش اكثر

مش فاكرها خلاص نسيت
قلبى اتحجر وكمان قويت
رجعت زى زمان واحسن
لو سألونى مبقولش حبيت
أصلك ماضى فاضى مفهوش
غير انسانه بتركب وشوش
وش كذب وخداع وطيبه
ظلم ليكى تتسمى حبيبته
بقيتى عنى بعيده غريبه
ذكرى ف قلبي ماتشرفوش

الاهمال بيولد حرمان



والحرمان بيولد وجع
والوجع بيولد بعاد
والبعاد بيولد نسيان
والنسيان بيدينا فرصه
نبدأ من جديد مع حد يحسنا

انا اللي سمحتلك تجرحيني
لما حبيتك زياده
الغلط عندي صدقيني
اسف مش هطلب اعاده

بعترلك بالنيابه عن قلبي
بعتر علي ايامك بقربي
الغلط عندي
اتكبري وعاندي
كل العيوب فيا والذنب ذنبي

محدث بيتغير من غير اسباب
ولا حد يفرح انه اتساب
وكل اللي عامل ميسوط
أكثر واحد غرقان ف عذاب

سبتلك جوه مني حاجات
هتفضل عايشه ف الذكريات
لا نسيان هيقدر عليها
ولا بديل يقدر يمحيها
اللي عشته معاك هيدوم
لحد مايقوله عليا مات

قلبي لو واقف ف صفي
كنت قدرت علي البعاد
شفت منها اوجاع تكفي
بدل البلد بلاد وبلاد
و برضه مكمل و متحمل
كل قسوتها بالعناد



منك لله ياقلبي
ذليت ف الحب الواد

مرتاح بعد منك وكله تمام
وبضحك وبهزر وحلوه الايام
مش بزعل لفراق حد
ولا بتهد
ولا ببكي ولا بحكي
ولا ليا ف شغل الافلام

وبتزعل وتعمل نفسك مش زعلان
وبداري ورا ابتسامتك بركان احزان

لما غبت مسألتيش
رغم انك لما تغيبي
بتغيب ضحكنتي
ولا بعرف اعيش



انا من غيرك متغرب

نفسي اقرب

بس حاجات كثير منعاني

صدقيني مبتجيش فايده

ياحبيبي الكرامه الزايدة

اتنازلي شويه محتاجلك تاني

بتداوي قلوب المجروحين

ولا عارف تداوي قلبك

اه ياغلبك

ف وقت زعلك

محدث هيقولك مالك

فياريت تخلي بالك

وف وقت زعلهم وفر سؤالك.

قلبي قوي وبقى بيعرف..

يتخلي و يسيب

من كتر ما اتألمت فهمت



ان الدنيا مفوهاش حبيب

من كتر ما الواحد اتوجع

بقي بيضحك لو اتخدع

#ف_ناس_حبهم

بيتسم علشان اتعودت ابتسم

مش علشان يعني مبسوط

بيتسم بس من جوايا بنقسم

وف عمود الحزن متكتف مربوط

متزعليش علي حد ساب

بالعكس اقللي وراه ميت باب

عيشي حياتك وانسي اللي فاتك

مسيره يتعذب دا زمن قلاب

مديون ليكي بحياتي

لأنك سبب ف اني اعيش

لو قسى عليا هقسي

هو مين يعني

ف ستين الف داهيه

اي حاجه توجعني

خد قلبك يلا وامشي

لو من ابتسامتي هيمنعني.

ذكرياتي مفيهاش حاجه تفرح

عباره عن قلب كان سليم

وكل يوم لازم يتجرح

نص الالم كان منها

والنص الثاني من قلبي

اللي صدق وصانها

اما الوجدع ليه كتير اسباب

غرامها كلامها كان كداب

حتى بعادها مكنش



غصب عنها

الدنيا بيزيد جمالها

بقربك

حاجه اخيره هاقولها

بحبك

لعلمك انا من غيرك زي

اوضه مفيهاش ضي

لا بضحك وكلامي قليل

لعلمك انتي حالة تبديل

تبديل لحزن عليا قوي

لعلمك انا بحبك اوي

خلاص حبك مات ف قلبي

ورجوعك مبقتش بتمناه

ف نظري مت واللي مات

مستحيل يرجع للحياه

تعبت بعدك بس خلاص

حبيك قدرت انساه

انتي السطر الجميل
فكتاب كله الآم
انتي الاسم اللي بحلم
يسبقوه بكلمة مدام

مفيش اي حاجه جات بسيطه
وقت وهداوي مشاعري العبيطه
قلبي متعود وياما قبلك
لبس ييجي ف الف حيطه

اوعي تزعلي عليه او تدمعي
لو بيحبك مش هيسيبك تتوجعي
هتلاقني احسن منه لكن
اياكي ف لحظة حنين ترجعي

محدث بيجرح الا ولازم بيات مجروح



ذنب بذنب روح بتخلص من روح
احساسى بالالم دلوقت مجرد وقت
مسيرك بكره تتالم والمي يروح

متجلبش تاني سيرته
وكفايه الالم اللي اتالمته
لا حبني ولا حسني
ولا عمري كنت اميرته

اللي واجعني اني حبيته
اني سكنته قلبي وحياتي
عن فرحتي لما كان يجيني
ويقولي هتبقى مراتي

كذب وجرح قلبي اللي حبه
لو مش خايف من رد فعلي
ليه مخفش من عذاب ربه



الحب ..

لو مش هيغيرك للاحسن

ف ابعد عنه احسن

بعدنا وياريت مابعدنا

فالبعد انا وانتي تعبنا

ديماً سرحان مش عارف ليه

وافرح بعدك اصلاً علي ايه

دوا بعد الموت هيفدني بيايه

الفراق قتل جوانا فرحتنا

كلهم قالولي محبتكش

حتى قلبي

اللي تتخلي واللي تسيب

أكيد مكنتش ليها حبيب

جرب تبعد

بعدت



لقيت بعادي زي قربي

وتملي بتفكر ف اللي غاب
وتملي بداوي العذاب بعذاب
بقيت تشبه واحد سكران
بتضحك رغم الاحزان
بتضحك و انت متساب

بحاول اغيرك لانك تهمني
بحاول اكون مرايتك ولو هتكسريني
بحاول اشيل منك حزنك
الحزن فيكي باين ف عيني

جرينا عذاب الفراق بالتفصيل
وجرحنا بعض بدون قصد
بدون سبب بدون دليل
كان النصيب اقوى مني
واقوى منك

اقوى من انك تحاربي وترفضي عرسان

البسي الدبله واختاري معاه الفستان

واصنعي لبكره ذكريات

دموعنا لو هتغير حاجه

فهتغير كلامنا سكات

فيكي روعي فلما رحتي

تعب الجسد

لما شافوني حكمو وقالو

الواد اتحسد

تفاصيل الموضوع

قلب نام ايام مبسوط

وسهر ايام موجوع

قلب حب فلما اتفارق

بينه وبين نفسه جرب

كسرت النفس والدموع

تعالى لقلبي واجرحيه لو تعرفي

سيبي فيه اوجاع الدنيا واختفي

لا هحس بوجع ولا بجرح والم



ورقه مشخبطه هيعمل ايه فيها القلم

انتهت العلاقه وكان العقاب جرح للاتنين
الله يكون فعون قلوب تحت رحمة الحنين

الحب اكتفاء

مش قلب مفتوح للجميع

الحب حياه

فعيشه بلون الربيع

نسيته اياصحبي ونسيت ايامها

ونسيت لياليها وكل وكلامها

ونسيت كل الي بيربطني بيها

مش فاكر حتى كلام عنيه

وملامحها راحت من بالي

ما أنا قدامك اهو بضحك

وحلوه ف عنيا الليالي

مع السلامه اياصحبي اشوفك بكره

وييجي الليل ويجيب معاه الذكره

ويبدأ العذاب والدموع
صعب الفراق لما يكون
مفهوش امل للرجوع

طبيعي تسيبك طبيعي تنخلي
لو حسستها انك بتتسلى

حياتك مع غيري هتكون اجمل
انا هبعده ومش هقرب لان
مفيش علاقه ف حياتي بتكمل

اللي زيك لازم يتغر
دا كفايه ان فحبك
محدث بيرسى علي بر
كفايه ان مفيش منك
وف تفكيرك سابقه سنك
وانك لو لمستني الصحرا
فتانيه لازم تخضر



وبتتخلى عن الكل لانك خلاص مليت
كنت فاكر ليك مكان اتاريك اتنسيت
فبتبعد وتروح ركن البرائه والطفوله
ركن خالي من أي وجع وظنون
مش غريبه بعد الشيبه تلاقي راحتك
"لما تشاهد كرتون"

شفتك امل ليا وحلم مفهوش خيانه
شفتك حياه علي ايدك بقيت انسانه
زي نمله عشان تعيش
راحت للعلسل فماتت غرقانه

بغير عليكى من عنيكى
لما تبصي ف مرايا
وبخاف عليكى من لياليكى
لتبكيكى
وانتى مش معايا



نستيني كل اللي فات
مش كلام دي حقيقه
معاكي حتى السكات
بيتعاش بمليون طريقه

معاكي لقيتني بحسبها وبرتها
وعايز اخد الف خطوة لقدام
وجودك ف حياتي علمني قدرني
علي مرار وشقى الايام
وكل تعبي بيتنسي وبيختفي
لما بسمع صوتك قبل ما انام

باجي عندك ويفرمل
وباخذ مخالفه اكمني
واقف ف عنيكى بتامل
حد يقول لبتاع المرور
اني معزور
مين يشوف الجمال ده



ويمشني ويكمل !!!

ضعي لي سماً في قهوتي
إذا اردتي الرحيل
فالموت مره واحده اهون
من الموت الآف المرات

كتب ف نهاية التقرير ...
بتوجع الدمعه اللي سببها
انسان ضحككوا كثير

الحلم زي تمثال فميدان
طرق كثير بتوصل ليه
فمتي

رسالة شكر

*شكراً استاذ حسن علي حمزه اللي واخذ مكان الاب والصديق
*شكراً للملحن تامر السيد اللي اداني من خبرته كثير واللي اسعدني العمل
معاه فأغنيتين " يا حبيبي فاكراك لمنه صالح " ونص ديني لمصطفى اسماعيل
*شكراً لناني " الطيبه الحنونه .. العاقله المجنونه .. الصابره علي عقلي
الطائش

*شكراً امنيه محمد

ولكل شخص دخل حياتي ومتخلاش شكراً



الفهرس

١	أهداء
٢	فلاش باك
٣	كشكولي القديم
٥	نفس الكافيه
٧	بكره هفوق
٨	لحظة خوف
٩	اخدتني قلبي
١٠	طرف واحد
١٣	محدث يقول
١٤	جوه مني
١٦	قلبي رافض
١٨	حروف الابدجديّة
١٩	هبعء عن الكل
٢١	حالة استثنائية
٢٣	حالات استثنائية
٢٥	حذفتك

٢٦	لما اموت
٢٧	عامل ايه
٢٨	فيكي حاجة
٢٩	هفضل مخبي
٣١	قبل ما تمشي
٣٣	عايز احكيلك عني
٣٥	هو في زيك كده
٣٧	بطلب العتاب
٣٩	ضحكتك
٤٢	خلي بالك منها
٤٤	اخترتي البعاد
٤٦	يا حنين
٤٧	جربت اعيش
٥٠	وسط الزحمة
٥١	اخترتك
٥٢	هتحن لها
٥٣	الحب الاول
٥٤	اتعودنا

٥٦	الشهيد
٥٩	أكتوبر ٧٣
٦١	مين اللي قالك
٦٣	نظرا لظروف بلادي
٩٦	كلم قلبك ١
٧٠	كلم قلبك ٢
٧١	كلم قلبك ٣
٧٢	اوضه ضلمه
٧٤	يا موحوع
٧٦	بحبك بس مش قايل
٧٧	اعرفك بنفسي
٧٩	سيناريو بيتكرر
٨٠	حاسس قلبي
٨١	محتاجك
٨٢	لو افكرتني
٨٤	فات الوقت
٨٥	لحظة لنفسك
٨٨	مسئوله منه

	
٩٠	واقع بيتكرر
٩٢	مشهد درامي
٩٣	لو سمحتي
٩٢	يمكن ترجع
٩٥	ايام زمان
٩٨	قصاقيص
١٢٤	رسالة شكر